



Aqqalu C. Jerimiassen

UKA 2022/88

Atassut

20. oktober 2022

Angerlarsimaffinni varmepumpenik aammalu solcellinik pilersitsinissamut pitsaaqutit aammalu ajoqqutit misissornissaanut Naalakkersuisut nassuiaammik suliaqarnissaat pillugu Inatsisartut aalajangiiffigisassaattut siunnersuut. Nassuiaat taakkuninnga ikkussisoqartillugu Namminersorlutik Oqartussat tapiissuteqarsinnaanissaannut aaqqiissummik eqqarsaatersuutinik imaqassaaq. Nassuiaat kingusinnerpaamik EM 2023 Inatsisartunut tunniunneqassaaq.

(Inatsisartunut Ilaasortaq Nivi Olsen, Demokraatit)

Nukissiuutit ataavartut nunatsinni ineriartortinneqarnerannut suliniarneq annertoq nunarsuatta sinneranut suliniutaavoq malingassiulluarnermik siunertalik.

Ikummatissamimmi isumalluuteqarneq maanna Europami sorsuttoqalernerata takutiinnarpaalusooq, qanoq suli annertutigingaarnersoq, Europamimi maanna nukissiuutitigut sipaarniarneq annertuumik atornerqalerpoq gassimik amikkittuuleriartorsinnaanermut aarlerineq annertomat Nord Stream 1 – 2-lu Russinit annerusumit minnerusumilluunniit milinneqareernerisa kinguneranit.

Nukissiuutilliuku ataavartut silaannaap allangoriartorneranut nunarsuarmioqataasutut akiuiniaqataassagutta qanoq ittut toqqartariaqarigut inerisassallugit?

Seqerngup qinngorneranit nukissiuutit atornissaanik isuma toqqammavimmigut pitsaasuungaluarpoq, eqqumaffissarli ataaseq tassaasinnaavoq; ilumut naammaginartumik nukissamik tunniussisinnaanissaanut aningaasaliiffigissallugit piviusorsiortuunerpat?

Imaluunniit maanna sinerissami erngup nukinganik nukissiorfiit piusut inerisaqqinneqarneratigut brintimik sanaartornissaq siunertarissagaanni, sinerissallu sinneranut erngup nukinganik nukissiorfeqarnissamut ajornakusoortumik inissisimasunut nukissiuutissatut atornerqarsinnaanissai ujtartussallugittaaq soqutiginartuusinnaalluarpoq.

Siunnersuuteqartullu ersersinniangaatut, nammineq angerlarsimaffigisami seqerngup qinngornerinik innaallagissiuuteqarsinnaaneq qanoq annertutigisumik sunniuteqarsinnaanersoq iluaqutaasinnaanerusorlu paasissutissatut naqitatut pigilissallugu soqutiginartuuvoq, siunissamilu iluaqutaanerulersinnaasuuppat qanorluunniit Atassummiit suliniaqataassaqaaratta.

Taamaammallu una siunnersuut Atassummiittaaq suli annerusumik sammineqartariaqarnera pisariaqarluinnartuusoraarput.

Taamatut oqaaseqarluta, Atassummiit siunnersuut Inuussutissarsiornermut aatsitassanullu ataatsimiitsitaliamut innersuupparput.